

Reykjavík 21.2.1983

Fréttabílheymning 264  
Samtök að flágfundi 19. febr.

Vegna óljósra fréttta í fjöldum af afstöðu Kvennaframboðsins í Reykjavík til þingframboðs í komandi kosningum vilja samtökin taka fram eftirfarandi:

Félagsfundur, sem er æðsta vald í málum Samtaka um Kvennaframboð, tók þá ákvörðun eftir langvarandi umræður að samtökin sem slík myndu ekki standa að framboði til alþingis í komandi kosningum. Þessa ákvörðun samtakanna ber hins vegar ekki að túlka sem svo að þau hafni þingframboði sem leið í baráttunni fyrir bættri stöðu kvenna í þjóðféluginu.

Samtökin vilja minna að að markmið þeirra er að:

- a) auka áhrif kvenna í samféluginu.
- b) vekja umræðu um stöðu kvenna.
- c) stuðla að því að visku forði og jákvæð reynsla kvenna verði nýtt í þágu betra þjóðfélags.
- d) berjast fyrir heimi þar sem konur, karlar og börn standa jafnt að vígí, þar sem menning beggja kynja fær að njóta sín og kynferði hindrar engann í að sinna þeim störfum sem hugur stefnir til.
- e) að standa að baki þeirra fulltrúa sem ná kjöri til borgarstjórnar af lista Kvennaframboðsins.

Þessum markmiðum hyggjast samtökin ná eftir ýmsum leiðum og á þeim starfsvettvangi sem þeim hentar hverju sinni. Að svo stöddu munu samtökin beina kröftum sínum að vettvangi borgarmála, þar sem þau hafa tekið á sig ábyrgð og skyldur, og að utanþingsbaráttu, en þar munu samtökin leitast við að sameina korur um land allt til baráttu fyrir brýnustu hagsmunamálum kvenna og barna án tillits til afstöðu þeirra í landsmálum öðrum.

Vilja samtökin hvetja allar konur til að liggja ekki á liði sínu í þeirri baráttu og velja sér þann vettvang sem þær telja vænlegastan hverju sinni.

Kvennaframboðið í Reykjavík